

INDEX GEOGRAPHICUS. 51

Gamala alia est Josepho in Galilæa, Gabala Ptol. mihi eadem videtur atque Gaba. V. Gaba.

Garifima Josepho vicus stadiis 20. à Sephori, & eo in loco ipse castrametatus est Sephorim obsessurus, in vita sua.

Garizim & Hebal sive Gebal montes inter se vicini prope Samariam, Deuter. 11. v. 29. cum introduxerit te Deus in Terram, pones benedictionem super montem Garizim, maledictionem super montem Hebal, &c.

Gaver, 4. Reg. 9. v. 27. Ochofias Rex Juda videns hoc (quod Jehu occidisset Joram Regem Israël) fugit per viam domus horti; persecutusque est eum Jehu, & ait: etiam hunc percutite in curru suo: & percusserunt eum in ascensu Gaver, qui est juxta Leblaam: qui fugit in Magedo, & mortuus est ibi.

Gaulon aliàs Gaulan, urbs in Basan, & in Tribu Manasse 2. Josue 20. v. 8. inter urbes Refugii habet... & Gaulon in Basan; & 21. v. 27. inter urbes Leviticas filiis Gerson Levitici generis dedit de dimidia Tribu Manasse trans Jordanem civitatem.... Gaulon in Basan... & 1. Paralip. 6. v. 71. Filiis Gerson de cognatione dimidiæ Tribus Manasse, Gaulon in Basan. Ab ipsa urbe Gaulonitis, & Gaulanitis Regio dicitur Josepho.

Gaulane mihi ipsissima est Gaulan, aliàs Gaulon Joseph. Bell. Jud. 1. c. 4. & alibi.

Gaza urbs magna, & ex quinque Satrapiis Philisthinorum Ægyptum versus ultima, hujus urbis ambas portæ fores media nocte abstulit, & humeris impositas in montem vicinum detulit Samson, Jud. 16. sed & postea Dalilæ blanditiis victus, & à Philisthinis victus, oculis erutis Gazam ductus est, & in carcere detentus, coactusque molere: cum tandem aliquando Principes Philisthinorum Idolo suo Dagon festum diem agerent, Samsonique illuderent, ille Deo invocato, apprehensusque & concussis duabus, quibus innitebatur tota domus, columnis, tria hominum millia, unâ eademque ruinâ secum oppressit, ibid.

Gazer, Gazera, Gazara, Josue 10. v. 33. Ascendit Horam Rex Gazer, ut auxiliaretur Lachis, quem percussit Josue, 12. v. 12. Rex Gazer unus, 16. v. 3. Gazer describitur in terminis Tribus Ephraim, & inter Bethoron inferiorem, & Mare magnum, & v. 10. Non interfecerunt filii Ephraim Chananæum, qui habitabat in Gazer: habitavitque Chananæus in medio Ephraim. Nihilominus Josue 21. v. 21. & 1. Paralip. 6. v. 67. inter Levitarum urbes, quæ familiæ Caath concessæ sunt, urbs est Gazer. 3. Regum 9. v. 16. Pharaon Rex Ægypti cepit Gazer, succenditque eam igni; & Chananæum, qui habitabat in civitate, interfecit, & dedit eam in dotem filiae suæ uxori Salomonis, v. 17. ædificavit ergo Salomon Gazer. 1. Paral. 20. v. 4. initum est bellum in Gazer adversus Philisthæos (à Davide qui eos percussit.) Gazer à Juda Mach. capitur, 1. Machab. 5. v. 8. Eam muniit Jonathas, 1. Mach. 9. v. 12. & Simon Machab. videtur habitasse Gazaris, 1. Mach. 13. v. 54. sic etiam 14. v. 7. dominatus est Gazaræ, & Bethsuræ, & Arci (Jerosolymitanæ) v. 34. Joppen muniit & Gazaram, posteaque Joannes filius ejus dum in Gazaris agit, 16. v. 1. nuntiatum est, patrem suum dolosè interfectum in munimento Doch.

Gebbethon al. Gabbethon, & Gibbethon, urbs in Tribu Gad inter Elthece, & Balaath, Josue 19. v. 49.

Gederothaim urbium quatuordecim, quæ in secunda parte Tribus Judæ sunt, hæc ultima describitur, Jos. 15. v. 36.

Gedor inter Bethsur, & Mareth, ea est in nona parte Tribus Juda, ubi sex urbes numerantur, quarum Gedor tertia, Josue 15. v. 58.

Latit.	Longit.
Gr. Scr.	Gr. Scr.
32. 51.	66. 48.

32. 45.	61. 2.
---------	--------

32. 7½	66. 57½
--------	---------

32. 25.	66. 42½
---------	---------

32. 48.	68. 16.
---------	---------

32. 48.	68. 16.
---------	---------

31. 20.	65. 4.
---------	--------

32. 2.	66. 21.
--------	---------

31. 43.	65. 57.
---------	---------

31. 14.	66. 11.
---------	---------

31. 42½	66. 24.
---------	---------